



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

16. Ipsos sapientes à simplicibus erudiri.

urn:nbn:de:hbz:466:1-45653

XVI.

Eant nunc Mundi sapientes (quorum tamen non nisi se-
ptem numerantur) & spernant simplicitatem. Eant Stoici, Pe-
ripatetici, Academici, & disputationes acutissimas vanitati ven-
dant. Eant & doctissimae subtilitatis Theologi, &c, quæ nemo in-
telligat, scribant, dicent, explicent. Præ illis Deo, cuius est *cum
simplicibus sermocinatio*. Spiridones, Pauli Simplices, Simeones Sa-
li, Iacoboni placuerunt. Scriptum est enim : *Perdam sapientiam
sapientium, & prudentiam prudentium reprobabo. Vbi sapiens? vbi
Scriba? vbi conqueritor huius seculi? Nonne stultam fecit Deus sapien-
tiam huius Mundi?* Supercilium igitur ponant, qui sibi de magna
eruditione tumide plaudunt, ac fastidiosè despunt ineruditos.
Deus sapientissimus, sicut per simplicitatem Spiridonis, acutissi-
mum Sophistam conuertit, quem tot ac tanti, in eodem Concilio
collecti Patres conuertere non potuerunt ; ita & nunc saepe, per
non admodum doctum, sed pium ac zelosum sacerdotem, pluri-
mos haereticos ad fidem, peccatores ad poenitentiam, pereuntes
ad salutem trahit ; cum plurimi Theologæ Doctores grandia de
Deo loquentes ne vnum quidem hominem conuerterint, aut ad
vitam traduxerint meliorem ; ne dicam, conuertere dignati sint.
Quod non eò intellectum volo, quasi eruditionem aut eruditos
eleuem ; sed ne scientia inflati, simplices putent à Deo minùs
estimari ; atque ipsi beneficijs saginati pecunias magis, quam
animas venentur, curámque religionis indoctis relinquant ; quasi
qui plus sciunt, minùs facere teneantur ; cum, Christo teste, *omni*,
*cui multum darum est, multum queratur ab eo : & cui commendane-
runt multum, plus petant ab eo.*

Luc. 12. 14.

C A P V T XXII.

*Per bestias, etiam illas, à quibus aliqui cauemus, Deum
nonnunquam succurrere, & miranda exhibe-
bere.*

I.

Prou. 8. 31.

Supra, c. 16.



Vemadmodum, in hominibus, ita & in ipsis etiam
bestijs, contrarios saepe euentus ostendit *Iudens in
orbe terrarum* diuina sapientia ; qua duce profunt
ipse noxiæ animantes. Supra dixi, per coruos, vo-
racissi-